



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 726. Usque Ad Annum 813

Fleury, Claude

August. Vind. [u.a.], 1760

VD18 90117859

§.4. Desiderii perfidia.

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

tri, quod rexerat & ædificaverat, se- Sæcul. VIII.
pultus. A. C. 773.

§. IV.

Desiderii perfidia.

Rex Desiderius, cum nullis artibus effi- *Anast.*
cere potuisset, ut Hadrianus Papa ad
se veniret, & Carolomanni filios conse-
craret, Ticino cum ipsis & exercitu egres-
sus Romam movit. Misit vero, qui præ-
cederent & Papam monerent. Is re-
spondit: *Nisi Rex Civitates, sicut pro-*
misit, restituat, & quod æquitas postulat,
faciat, frustra itineris laborem suscipit,
nam ejus conspectum subire nolo. Cum
hæc responsio Desiderium ab expeditione
non remoraretur, eumque Papa pro-
pediem adfuturum sciret, collectis, quas
potuit, copiis urbem tueri statuit, vasa
omnia & thesauros Ecclesiarum S. Petri
& S. Pauli intra mœnia comportari, &
ita custodiri jubet, ut Rex ea rapere non
posset, nisi portis manifesta vi effractis.
Tum rursus ad eum mittit epistolam per
Divina Mytheria obsecrans, ne militem in
Romanorum Ditionem se invito duceret.
Hanc admonitionem ad Desiderium per-
tulerunt Episcopi tres, Eustratius Alba-
nensis, Andreas Prænestinus, & Theodo-
rus Tiburtinus, qua Viterbii accepta Rex
a proposito desistens ad sua rediit.

Interim

Sæcul. VIII.
A. C. 774.

Interim Regi Carolo datis litteris significavit, quod captas Civitates reddidisset, & Ecclesiæ Romanæ plenissime satisfecisset. Carolus, ut inprimis exploraret, num vera scriberet, Romam misit Episcopum nomine Georgium, Wulfardum Abbatem S. Martini Turonensis, & Albinum clientum suorum amantissimum, quibus ad ipsas Civitates pervenientibus demonstratum, mentitum fuisse Desiderium, & nihil eorum, quæ dixerat, adimpleviffe. Ergo Carolus cum adhuc dum sæpius Desiderium ad fœdera cum Pontifice ineunda exhortatus fuisset, & se nihil agere cognosceret, superatis cum exercitu Alpibus Ticini, in qua Civitate se incluserat, eundem obsidet. Interim Longobardi omnes Reatini & Spoletani se Hadriano Papæ tradiderunt, cui & Successoribus ipsius in Ecclesia S. Petri collecti fidem jurarunt. Tum capillos barbamque more Romano attondent, quibus Papa suæ nationis Ducem, ab ipsis electum, nomine Hildebrandum præfecit. Horum exemplum Firmani, Auximates, Anconitani secuti sunt.

§. V.

Carolus Romæ.

Obsidio Civitatis Ticinensis sex mensibus tenuit in eaque Carolus hyemem &